



## 喜樹仔烏貓

我細漢的時會使講是庄裡上畚的囡仔，因為阮阿母足勢做衫，伊攏做足嬌的洋裝抑是短短的裙，共阮妝甲真古錐，閣共我梳兩粒包仔頭。阮阿姑佇市內咧開皮鞋店，阿爸攏會𠵿阮去揀家己恰意的皮鞋，逐日攏嘛妝甲嬌噹噹。

阮阿母生七个囡仔，厝裡的兄弟姊妹攏是按呢打扮。阿母會使講共所有的心思攏囡佇阮的身軀頂。尤其大兄、大姊讀初中、高中了後，就算伊閣較無閒，逐工透早四、五點就起來，趕緊去菜市仔買菜轉來煮飯、款便當，予個赴會著六點外的車幫去讀冊。阮細漢的時，我看阿母攏是遮爾仔操勞。伊唯一打扮家己的時陣，就是去電頭毛店洗頭、做頭髮。阿母就算閣較無閒都袂共頭毛放予拑斃斃，這是我細漢的時所了解的阿母。

上班了後，有一工恰踹隔壁庄的同事去個兜迢迢，聽個母仔講起，才知影阮阿母是伊的洋裁老師。伊母但勢做衫、勢穿插，閣綴會著時代，體格嬌，通人欣羨，當時是有名的「喜樹仔烏貓」。莫怪有時仔會聽阿母講，伊的好工夫攏是為著阮才放揀去。彼當時我替阿母感覺誠毋甘，是阮共伊的才華耽誤去。一直到阿母過身，阮想欲寫一篇追思慈母的文章來思念伊，才知影阮對阿母的了解實在真有限。

聽阿舅講，外公真疼阿母，母但予伊讀冊，出業了後閣送伊去恰一个日本老師學洋裁。阿母母但家己真勢做衫，嘛收學生來教。暗時閣佇暗學仔教人讀冊，嘛是當時一个婦女團隊的隊長。阿母遮爾光彩的過去，阮竟然佇伊過身了後才知影，這是伊為著晟養阮大漢所付出的代價。到今我一直感覺真遺憾，阿母攏無通好好仔歇睏一下仔，共伊的故事講予阮知影。

細漢的時，人講阮兜的囡仔誠好命，爸母照顧甲真好，原來這攏是用阿母的才華恰青春換來的。佇遮我欲閣一遍感謝阿母，共伊講：「阿母，你擔會起喜樹仔烏貓這個名號。」

作者：王亮月

### ☆詞彙學習☆

【畚】phānn：時髦。

【車幫】tshia-pang：班車。有固定路線並按排定時間開行的車輛。

【拑斃斃】

jû-tsháng-tsháng/lû-tsháng-tsháng：形容非常雜亂，毫無條理。

【穿插】tshīng-tshah：穿著、打扮。

【莫怪】bók-kuài：難怪、怪不得。

【放揀】pàng-sak：又唸作 pàng-sat。放棄。

【出業】tshut-giáp：畢業，日語原作「卒業」。源自日語。

【暗學仔】àm-òh-á：夜校。

【晟養】tshiānn-ióng：養育。

【擔】tann：負責、承當。